

## Vunn de Vandale

Omm letzde Freidaach habb ich uff de Gass moin ahle Kumbel Schorsch getroffe. Noochdem merr Gude gesaat hadde, hott de Schorsch gleich oogefonge: Honnes, isch habb gessdern was im Blättsche gelese, dess hott misch gons traurisch gemacht. Weil doo warn so ehemalische Zirkusleit in de Stadthall unn hawwe dort Dinosaurier ausgestellt. Wie isch gelese habb iss dene ihrn Zirkus nitt mehr gonge unn doo hawwese uff su e Schau mett Plastik-Dinos umgesattelt. Reich werrn die Leit doodemett joo aach nitt, awwer weil e paar Flerschemer mett ihrne Kinner sisich die Sach oogugge sollde, hadde se vor de Stadthall su enn Dino uffgestellt, enn Tyrannosaurus Rex, der war su ebbes um die acht Meter hoch.

Ja, habb isch gesaat, unn was iss mett dem?

Seet de Schorsch: Dess isses joo, was misch su traurisch gemacht hott. Schunn in de erst Nacht iss der Dino kabuttgemacht worrn unn aach su kabutt, dass die Schausteller den nooch Hambursch zur Reperatur schicke mussde.

Dess iss doch werklisch traurisch, saach isch. Doo iss was kabutt gemacht worrn, was Leit geheert, die bestimmt koo Großkapidaliste sinn unn dene die Reperatur jett vill Geld kosde dut. Verdient hawwe die nix hier in Flerschem. Die kumme nimmi bei uns.

De Schorsch hott genickt. Awwer dess Kabuttmake bassiert joo nitt nor in Flerschem, dess kimmd iwwerall vor unn werrd immer mehr, unn grad desdeweese mächts uns su traurisch. Awwer wer mächden su ebbes?, frächt merr sisich. Merr kann joo defoo ausgieh, dass dess nitt vunn gons junge Leit gemacht werrd, naa, dess solle mehr su junge Männer um die Mitt von de Zwonnisch soi, die sisich unn ihrne Kumbels was beweise wolle. Ooner fängt oo unn die onnern mache mett, weil se halt dezugeheern wolle zu dene Vandale.

Isch saach: Schorsch, merr seet zu dene Kerle, von dene merr iwwerischsens noch niemols ooner erwischt hott, dess wärn Vandale nooch dem Volk, was irschendwonn emol Rom geplündert hott. Gons Rom kabuttgehaache hawwe die awwer nitt. Also iss dess bestimmt e Beleidischung von dene alde Vandale, wenn merr die Kabuttmacher von heit su nenne dut. Ja, oofach Kabuttmacher sollt merr zu dene saache.

Moont de Schorsch: Was glaabsden du, Honnes, ob ooner von dene Kerle, die su enn Dino kabuttmake, sisich omm nächsde Daach deferr schäme dut?

Ja, saach isch, isch kann merr dess vorstelle. Awwer donn giehder nirschendwo hie unn seet, isch habb was kabutt gemacht, es dut merr laad unn was kann isch doodeferr widder gutmake? Wo soll der donn aach hie? Bei die Bolizei bestimmt nitt, weiler Ängst hott bestrooft se werrn odder vill Geld bezahle ze misse, desdeweese mächders omm End nitt. Doo misst merr sisich was oifalle losse. Saache merr mol so e anonym Kass, in die ooner was enoischmeiße kann, ess muss joo nitt vill soi, awwer isch denk merr, doo hädd su enn junge Mensch wenischdens e gut Gefiehl.

Honnes, seet de Schorsch, waaßde wie merr doodriwwer saache det?

Isch frooch: Was det merr donn doodriwwer saache?

Der hott e Gewisse, seet de Schorsch, unn dess, su moon isch, hott jeder Mensch, aach junge Leit. Merr misst se nor mol uffklären, dass dess schlechte Gefiehl doodefoo kimmd, dass wisse, ebbes falsch gemacht ze hawwe, ebbes was nitt su gut iss, onnern Leit traurisch mächt unn die aach noch den Schade bezahle misse.

Eiern Honnes.